



---

REPUBLIKA E SHQIPËRISË

MINISTRIA E ARSIMIT, SPORTIT DHE RINISË

AGJENCIA E SIGURIMIT TË CILËSISË SË ARSIMIT PARAUNIVERSITAR

**PROGRAM ORIENTUES I MATURËS SHTETËRORE**

**PËR GJIMNAZIN**

**DHE PËR ARSIMIN E ORIENTUAR**

**(SHKOLLAT E GJUHËVE TË HUAJA)**

**LËNDËT:**

**“GJUHË SHQIPE”**

**DHE**

**“LETËRSI BËRTHAMË”**

**(PROVIM I DETYRUAR)**

**VITI SHKOLLOR 2020 – 2021**

**KOORDINATORE: ERIDA KOLECI**

## PËRMBAJTJA

PËRMBAJTJA.....	2
HYRJE .....	3
PËRMBAJTJA E PROGRAMIT ORIENTUES .....	5
PËRSHKRIMI I KOMPETENCAVE GJUHËSORE DHE LETRARE .....	6
Gjuhë shqipe .....	6
Letërsi bërthamë.....	7
PESHA E GJUHËS SHQIPE DHE E LETËRSISË NË TEST .....	9
STRUKTURA E TESTIT .....	10
LLOJET E PYETJEVE/ KËRKESAVE TË REKOMANDUARA .....	11
NJOHURITË DHE AFTËSITË SIPAS KOMPETENCAVE .....	12

## HYRJE

Gjuhë shqipe dhe letërsi bërthamë është një nga tri provimet e detyruara në Maturën Shtetërore. Në këtë provim nxënësit do të zhvillojnë një test të përbashkët për të dyja lëndët: Gjuhë shqipe dhe Letërsi bërthamë.

Gjuha shqipe dhe Letërsia bërthamë bëjnë pjesë në fushën “Gjuhët dhe komunikimi”. Të dyja lëndët synojnë zhvillimin gjuhësor e letrar që është boshti themelor për rritjen intelektuale, shoqërore, estetike dhe emocionale të nxënësve. Më konkretisht, ato i aftësojnë nxënësit që ta përdorin gjuhën për të komunikuar, për të plotësuar interesat e tyre personale, për kënaqësi estetike, për të marrë informacion, si dhe për të përmbrushur kërkuesat e shoqërisë dhe të vendit të punës.

### ***Gjuha shqipe***

Lënda e gjuhës shqipe ka një rëndësi të veçantë në kurrikulën e arsimit të mesëm të lartë. Nëpërmjet kësaj lënde, nxënësit:

- fitojnë njohuri dhe demonstrojnë shkathtësi, vlera dhe qëndrime rreth sistemit gjuhësor të shqipes;
- fitojnë njohuri dhe demonstrojnë shkathtësi, vlera dhe qëndrime për të komunikuar në mënyrën e duhur.

Lënda e gjuhës shqipe, gjithashtu, siguron mundësi që nxënësit të ndiejnë fuqinë e gjuhës si një mënyrë për të shprehur përvojat e tyre dhe për të shmangur vështirësitë që ndajnë individët. Duke u mbështetur në studimin e teksteve të ndryshme, programi krijon mundësi që nxënësit të analizojnë dhe të vlerësojnë jo vetëm strukturën dhe karakteristikat e këtyre teksteve, por edhe mesazhet dhe kuptimet e tyre.

### ***Letërsia bërthamë***

Letërsia bërthamë është një nga lëndët kryesore në arsimin e mesëm të lartë. Ajo ndikon në formimin estetik dhe letrar, në rritjen e aftësive krijuese dhe në pasurimin e aftësive shprehëse të nxënësve. Kjo lëndë, gjithashtu, mundëson krijimin e një raporti pozitiv dhe të qëndrueshëm mes nxënësve dhe letërsisë.

### ***Programi orientues***

Programi orientues i gjuhës shqipe dhe i letërsisë, nëpërmjet përqendrimit në njohuritë dhe aftësitë kryesore të mësuara gjatë tri viteve, ka si qëllim të orientojë punën e mësuesit, përgatitjen e nxënësve dhe hartuesit e testit përfundimtar të Maturës Shtetërore.

Ky program është bazuar në programet e gjuhës shqipe dhe të letërsisë bërthamë në arsimin e mesëm të lartë dhe përfshin njohuritë dhe aftësitë më të rëndësishme që duhet të zotërojnë nxënësit.

## **PËRMBAJTJA E PROGRAMIT ORIENTUES**

Programi orientues bazohet në parimin se të zotërosh njohuri dhe aftësi gjuhësore dhe letrare do të thotë të jesh në gjendje t'i demonstrosh ato në tekste të ndryshme letrare dhe joletrare, si dhe në situata të jetës së përditshme.

Programi orientues është mbështetur:

- në programet e lëndës së gjuhës shqipe dhe të lëndës së letërsisë bërthamë, në klasat 10-12;
- në nivelet e arritjes të lëndës së gjuhës shqipe dhe të lëndës së letërsisë bërthamë.

Për të qenë lehtësisht i përdorshëm, programi përmban:

- strukturën e testit;
- peshën e secilës lëndë në test;
- llojet e pyetjeve ose kërkesave që vlerësojnë kompetencat që zotëron nxënësi;
- njohuritë dhe aftësitë e kompetencave gjuhësore dhe letrare;
- përqindjen e pikëve në test për të tri nivelet.

## PËRSHKRIMI I KOMPETENCAVE GJUHËSORE DHE LETRARE

Duke qenë se provimet e Maturës Shtetërore zhvillohen me shkrim, kompetencat gjuhësore dhe letrare që vlerësohen janë:

- Të lexuarit e teksteve të ndryshme.
- Të shkruarit për qëllime personale dhe funksionale.
- Përvetësimi i rregullave gramatikore, drejtshkrimore dhe të pikësimit.
- Analiza dhe interpretimi i teksteve të gjinive dhe të llojeve të ndryshme letrare.
- Vlerësimi i letërsisë shqipe dhe asaj botërore në periudha të ndryshme letrare dhe historike.

Më poshtë është dhënë një përshkrim i shkurtër i këtyre kompetencave.

### Gjuhë shqipe

#### Të lexuarit e teksteve të ndryshme

Lënda e gjuhës shqipe u krijon mundësi nxënësve që të lexojnë në mënyrë aktive dhe kritike, si dhe ta përthihin mirë e shpejt informacionin. Një lexues aktiv dhe kritik është ai, që jo vetëm i kupton dhe i vlerëson njohuritë që komunikohen në një tekst, por edhe i përdor ato në kontekste të reja. Për ta realizuar këtë, nxënësit zbatojnë një sërë strategjish të të kuptuarit, si dhe njihen me një shumëllojshmëri tekstesh.

Njohja me tekste të ndryshme u jep mundësinë nxënësve që të zbulojnë interesat dhe prirjet e tyre dhe, gjithashtu, ta kenë më të lehtë të zgjedhin orientimin e karrierës së tyre.

#### Të shkruarit për qëllime personale dhe funksionale

Një nga qëllimet e programit të gjuhës shqipe është që nxënësit të demonstrojnë siguri dhe saktësi kur shkruajnë, të hulumtojnë para se të shkruajnë një tekst, si dhe të komunikojnë me kompetencë duke përdorur forma dhe stile të ndryshme të shkruari.

Gjatë tri viteve, nxënësit krijojnë, organizojnë dhe përzgjedhin ide për të shkruar për qëllime, lexues dhe situata të ndryshme. Ata zbatojnë hapat e domosdoshëm të procesit të shkrimit (planifikimi, organizimi i punës me shkrim, rishikimi, redaktimi etj.). Gjatë të shkruarit, nxënësit zbatojnë karakteristikat e teksteve dhe rregullat gramatikore e drejtshkrimore.

## **Përvetësimi i rregullave gramatikore, drejtshkrimore dhe të pikësimit**

Në arsimin e mesëm të lartë, nxënësit demonstrojnë ndërgjegjësim dhe saktësi në përdorimin e njohurive rreth sistemit gjuhësor të shqipes. Ata i konsolidojnë njohuritë gjuhësore, aftësohen ta përdorin gjuhën saktë dhe brenda rregullave gramatikore. Nxënësit i përdorin njohuritë gjuhësore për të organizuar, pér të redaktuar dhe pér të përmirësuar shkrimet e tyre, pér të folur qartë dhe saktë, pér të gjykuar gjuhën e një teksti që dëgjojnë ose lexojnë etj. Në këtë cikël, nxënësit përcaktojnë dallimet mes gjuhës së folur e gjuhës së shkruar, analizojnë regjistrat e gjuhës, vlerësojnë pasurinë leksikore të gjuhës shqipe dhe zbatojnë rregullat drejtshkrimore dhe ato të pikësimit.

## **Letërsi bërthamë**

### **Analiza dhe interpretimi i teksteve të gjinive dhe të llojeve të ndryshme letrare**

Nxënësit fitojnë teknikat e analizës së veprave letrare, të cilat do t'u shërbejnë në shkollë dhe në jetë. Ata analizojnë dhe interpretojnë vepra të gjinive dhe të llojeve të ndryshme letrare. Duke studiuar tiparet kryesore të gjinive dhe të llojeve letrare, nxënësit marrin njohuritë dhe fitojnë aftësitë e nevojshme pér ta kuptuar më mirë natyrën e letërsisë. Këto tipare, nxënësi nuk i mëson thjesht në mënyrë teorike, por të konkretizuara në veprat ose fragmentet letrare. Përgjatë tri viteve, nxënësit do të lexojnë dhe do të punojnë me tekste poetike, dramatike dhe tekste në prozë.

Gjatë analizës dhe interpretimit të veprave letrare, nxënësit dallojnë edhe mjetet e shumta e gjuhës, të cilat janë përdorur pér të krijuar tekste jo vetëm me kuptim, por edhe estetikisht të bukura.

### **Vlerësimi i letërsisë shqipe dhe asaj botërore në periudha të ndryshme letrare dhe historike.**

Nxënësit krijojnë një pasqyrë të qartë:

- të fazave të ndryshme të zhvillimit të letërsisë shqipe dhe të letërsisë botërore;
- të lidhjeve mes periudhave të ndryshme historike dhe drejtimeve letrare;
- të gjinive letrare, të autorëve dhe veprave më përfaqësuese të një periudhe historike ose të një drejtimi letrar.

Mësimi i letërsisë përqendrohet në karakteristikat kryesore të një periudhe, duke u dhënë mundësi nxënësve të krijojnë një ide të përgjithshme rreth originës, përhapjes dhe tipareve të një drejtimi letrar, si dhe të gjinive e të llojeve që lëvrohen.

Letërsia shqipe studiohet paralelisht me letërsinë botërore duke u kushtuar vëmendje të përbashkëtave dhe dallimeve mes tyre. Në këtë mënyrë, nxënësit kuptojnë që letërsia shqipe nuk është një njësi e veçuar dhe e ndarë, por pjesë e pasurisë letrare botërore.

## PESHA E GJUHËS SHQIPE DHE E LETËRSISË NË TEST

Tabela e mëposhtme paraqet peshën në pikë të gjuhës shqipe dhe të letërsisë në test. Pikët për shkrimin e esesë janë të përbashkëta për të dyja lëndët.

Lëndët	Pesha
<b>Gjuhë shqipe</b>	afërsisht 40 %
Të lexuarit e teksteve të ndryshme (afërsisht 22%)	
Përvetësimi i rregullave gramatikore, drejtshkrimore dhe të pikësimit (afërsisht 18%)	
<b>Letërsi bërthamë</b>	afërsisht 40 %
<b>Të shkruarit (ese)</b>	afërsisht 20 %

## STRUKTURA E TESTIT

Testi i gjuhës dhe i letërsisë do të ketë tri pjesë.

<b>Pjesa e parë:</b> Tekst/e jo letrar dhe njohuritë e aftësitë gramatikore, drejtshkrimore dhe të pikësimit.	Teksti jo letrar (përshkrues, rrëfyes, informues paraqitës dhe argumentues) do të jetë i panjohur për nxënësit. Njohuritë dhe aftësitë gramatikore, drejtshkrimore e të pikësimit do të integrohen me tekstin jo letrar.
<b>Pjesa e dytë:</b> Tekst/e letrar	Fragmentet do të jenë nga veprat letrare që janë përcaktuar në programin orientues.
<b>Pjesa e tretë:</b> Ese	Eseja dëshmon formimin gjuhësor dhe letrar të nxënësit. Tema e esesë mund të lidhet me njëren nga pjesët e mësipërme.

## **LLOJET E PYETJEVE/ KËRKESAVE TË REKOMANDUARA**

Pyetjet që mund të përdoren në test janë:

- Pyetje me alternativa.
- Pyetje me përgjigje: *E vërtetë/ E rreme; Po/Ja; E saktë/ E gabuar.*
- Pyetje me përgjigje të shkurtër ose me plotësim.
- Pyetje subjektive me përgjigje të kufizuar.
- Pyetje subjektive me përgjigje të zgjeruar, ese.
- Etj.

Pyetjet ose kërkesat në test do të jenë të tri niveleve. Tabela e mëposhtme paraqet përqindjen e pikëve në test për secilin nivel.

<b>Niveli bazë</b>	<b>Niveli mesatar</b>	<b>Niveli i lartë</b>
40%	40%	20%

## **NJOHURITË DHE AFTËSITË SIPAS KOMPETENCAVE**

Për secilën kompetencë janë paraqitur njohuritë dhe aftësitë që duhet të demonstrojë nxënësi.

<b>Kompetenca:</b> Të lexuarit e teksteve të ndryshme	
<b>Njohuritë</b>	<b>Aftësitë</b>
<b>Tekste përshkruese</b>	<p><b>Të kuptuarit e tekstit dhe reflektimi ndaj tij</b></p> <p>Nxënësi:</p> <ul style="list-style-type: none"> <li>- përdor njohuritë paraprake për të kuptuar tekstin;</li> <li>- shfrytëzon elemente, si: titulli, nëntitujt, organizimi i tekstit, fjalori etj., për të kuptuar tekstin;</li> <li>- parafrazon informacionin ose idetë e tekstit;</li> <li>- përbledh idetë (në një ose disa paragrafë);</li> <li>- identifikon qëllimin dhe audiencën (lexuesin) e tekstit;</li> <li>- veçon idenë/identë kryesore;</li> <li>- dallon në tekste, shkakun nga pasoja, faktin nga opinioni, problemin dhe zgjidhjen;</li> <li>- kategorizon dhe klasifikon detajet e dhëna në tekst;</li> <li>- analizon modelet organizative të teksteve: renditje e ideve ose e ngjarjeve, krahasim-kontrast, shkak-pasojet etj.;</li> </ul>
<b>Tekste rrëfyese</b>	
<ul style="list-style-type: none"> <li>- Teknikat e shkrimit të tekstit rrëfyes, si p.sh., rrëfim i një ngjarjeje reale ose një artikull në një gazetë për një ngjarje, kronikë, ditar, autobiografi, biografi etj.</li> <li>- Karakteristikat strukturore dhe stilistike të tekstit rrëfyes.</li> </ul>	<ul style="list-style-type: none"> <li>- përfundime nga informacioni i tekstit, nga pikëpamjet e autorit etj.;</li> </ul>
<b>Tekste argumentuese</b>	
<ul style="list-style-type: none"> <li>- Teknikat e shkrimit të tekstit argumentues (një reklamë, një fjalim, një ese etj.).</li> <li>- Karakteristikat strukturore dhe stilistike të teksteve argumentuese.</li> </ul>	<ul style="list-style-type: none"> <li>- nxjerr përfundime nga informacioni i tekstit, nga pikëpamjet e autorit etj.;</li> </ul>
<b>Tekste informuese-paraqitëse</b>	

<ul style="list-style-type: none"> <li>- Teknikat e shkrimit të tekstit informues-paraqitës, si p.sh.: një jetëshkrim (CV), një aplikim për punë, një ese etj.</li> <li>- Karakteristikat strukturore dhe stilistike të teksteve informuese-paraqitëse.</li> </ul>	<ul style="list-style-type: none"> <li>- interpreton dhe integron informacionin e marrë nga një sërë burimesh (harta, grafikë, diagrame etj.);</li> <li>- identifikon dhe analizon elementet pamore (fotografi, ilustrime), të përdorura në tekstet e shkruara për të arritur qëllime të ndryshme;</li> <li>- bën përgjithësime në nivel kritik duke përdorur lidhjet brenda dhe jashtë teksteve;</li> <li>- vlerëson informacionin (besueshmërinë, saktësinë, përdorimin e propagandës, ekzagjerimin, gabimin etj.);</li> <li>- bën lidhje mes një teksti dhe pikëpamjeve ose ideve të tjera jashtë tekstit, si dhe idetë e tekstit i zbaton në një situatë të re;</li> <li>- krahason lloje të ndryshme tekstesh (p.sh., një tekst rrëfyes letrar me një tekst rrëfyes jo letrar), duke u bazuar në kriterë të përgjithshme ose në të dhëna specifike;</li> <li>- dallon dhe krahason elemente të stilit në një shumëlojshmëri tekstesh;</li> <li>- identifikon karakteristika të strukturës së teksteve, si: hyrja, mbyllja, paragrafi, fragmenti, evidenca, indeksi, fjalorthi, tabela e përbajtjes etj.;</li> <li>- identifikon karakteristika përbajtësore të teksteve, si: tema, tematika, motivi etj.;</li> <li>- analizon veçoritë gjuhësore të një teksti;</li> <li>- analizon dhe vlerëson përdorimin e referencave të besueshme brenda një teksti;</li> </ul>
--	---

- dallon vërtetësinë dhe koherencën e argumenteve në tekste të ndryshme;
- analizon qëndrimin e autorit ndaj “lëndës” që trajton dhe ndaj lexuesit të cilit i drejtohet;
- demonstron se si stili i autorit mund të ndikojë te lexuesi nëpërmjet zgjedhjes së fjalëve, teknikave të shkrimit, përdorimit të gjuhës së figurshme etj.

### **Llojet e teksteve**

Nxënësi:

- përcakton funksionet, llojin, qëllimet teknikat dhe karakteristikat stilistike dhe strukturore të teksteve jo letrare, si:
  - teksti përshkrues,
  - teksti rrëfyes,
  - teksti argumentues,
  - teksti informues-paraqitës.

### **Pasurimi i fjalorit**

Nxënësi:

- përdor gjerësishët dhe me efikasitet dukuritë semantike, si: polisemia, homonimia, sinonimia, antonimia;
- analizon dhe vlerëson përdorime të gjuhës së figurshme nga tekste të ndryshme;

	<p>- dallon kuptimin e drejtpördrejtë nga i nënkuptuari për të vlerësuar forcën e fjalës.</p>
--	---

**Kompetenca:** Të shkruarit për qëllime personale dhe funksionale

Njohuritë	Aftësitë
<ul style="list-style-type: none"> <li>- Ese përshkruese.</li> <li>- Ese rrëfyese.</li> <li>- Ese argumentuese.</li> <li>- Ese informuese- paraqitëse (shpjeguese).</li> </ul>	<p><b>Shkrimi si proces</b></p> <p>Nxënësi:</p> <ul style="list-style-type: none"> <li>- planifikon duke identifikuar qëllimin, lexuesin dhe kontekstin;</li> <li>- krijon ose mbledh ide të përshtatshme për punët me shkrim duke përdorur strategji të ndryshme, si: shkrimi i lirë, stuhi mendimi, hartë koncepti, kllaster etj.;</li> <li>- rishikon esenë për të përmirësuar strukturën, qartësinë dhe për të arritur saktësi në shprehjen e kuptimit;</li> <li>- identifikon elementet e gjuhës dhe të përbajtjes (fakte, ide, detaje etj.), të cilat janë të papërshtatshme për lexuesin dhe kontekstin, dhe i zëvendëson, shton, fshin ose riorganizon fjalë, fraza, fjali, fakte, ide, detaje përshkruese, emocionale etj.;</li> <li>- përmirëson renditjen e fakteve, ideve dhe detajeve brenda ose në mes të paragrafëve;</li> <li>- korrigjon gabimet gjuhësore (gramatikë, drejtshkrim, pikësim).</li> </ul> <p><b>Shkrimi si produkt</b></p> <p>Nxënësi:</p> <ul style="list-style-type: none"> <li>- organizon fakte dhe ide në përshtatje me qëllimin, lexuesin dhe llojin e tekstit;</li> </ul>

	<ul style="list-style-type: none"> <li>- mbështet mesazhin kryesor të një teksti me detaje, fakte dhe shembuj të përshtatshëm për qëllimin, lexuesin, kontekstin etj.;</li> <li>- i përbahet temës së esesë;</li> <li>- shkruan ese koherente;</li> <li>- përpunon dhe shtjellon idenë kryesore të një paragrafi duke përdorur shembuj, detaje, fakte, opinione etj.;</li> <li>- rimerr idenë kryesore në paragrafin përbyllës të tekstit dhe shkruan mbylljen e tij;</li> <li>- përdor strategji mbështetëse (anekdota personale, mbështetje te besimet e përbashkëta, opinione ekspertësh) në mënyrë që të bindë lexuesin;</li> <li>- ka stil dhe originalitet në ese.</li> </ul>
	<p><b>Llojet e teksteve</b></p> <p>Nxënësi:</p> <ul style="list-style-type: none"> <li>- shkruan ese përshkruese me tema të ndryshme;</li> <li>- shkruan ese rrëfyese me tema të ndryshme;</li> <li>- shkruan ese argumentuese me tema të ndryshme;</li> <li>- shkruan ese informuese/paraqitëse (shpjeguese) me tema të ndryshme.</li> </ul>

<b>Kompetenca:</b> Përvetësimi i rregullave gramatikore, drejtshkrimore dhe të pikësimit	
<b>Njohuritë</b>	<b>Aftësitë</b>
<b>Morfologji</b>	
Nxënësi:	
<b>Klasat e fjalëve</b> , të ndryshueshme dhe të pandryshueshme.	<ul style="list-style-type: none"> <li>- përcakton klasat e fjalëve dhe argumenton përgjigjen e tij;</li> <li>- klasifikon fjalët në të ndryshueshme dhe në të pandryshueshme;</li> </ul>
<b>Emri</b>	<ul style="list-style-type: none"> <li>- dallon emrat e gjinisë mashkullore që e ndryshojnë gjininë, kur kalojnë në numrin shumës;</li> <li>- përcakton prapashtesën me të cilën e formojnë numrin shumës, disa emra mashkullorë, si: <ul style="list-style-type: none"> <li>• prapashtesën <i>-e</i> (<i>shtigje, male, vende, mendime, personazhe, insekte</i> etj.);</li> <li>• prapashtesën <i>-ra</i> (<i>djathëra, vajra, mallra, ujëra, shira</i> etj.);</li> </ul> </li> <li>- përdor drejt emrat që në numrin shumës marrin prapashtesat <i>ë</i>, <i>-nj</i>, <i>-ër</i>, <i>-inj</i>, <i>-ra</i> ose ndërrojnë tingujt si p.sh.: <i>drejtorë, arsimtarë, florinj, priftërinj, prindër, erëra, brigje, kapituj</i> etj.;</li> </ul>
<b>Folja</b>	<ul style="list-style-type: none"> <li>- dallon dhe krahason foljet kalimtare dhe jokalimtare;</li> <li>- ndërton fjali me folje kalimtare dhe jokalimtare;</li> <li>- zgjedhon foljet e parregullta (<i>jam, them, rri, dua</i> etj.) në kohët e mënyrës dëftore</li> </ul>

<ul style="list-style-type: none"> <li>- Format e pashtjelluara foljore.</li> </ul>	<p>dhe të mënyrës habitore, në formën veporre dhe joveprore;</p> <ul style="list-style-type: none"> <li>- përcakton format e pashtjelluara që ndërtohen mbi bazën e pjesores;</li> </ul>
<b>Mbiemri</b> <ul style="list-style-type: none"> <li>- Mbiemrat e emërzuar.</li> <li>- Shumësi i mbiemrave. Përdorimi në shumës i mbiemrave që përcaktojnë emra mashkullorë me shumësin me - <i>e</i>, - <i>ra</i> dhe me -<i>a</i>.</li> </ul>	<ul style="list-style-type: none"> <li>- dallon dhe përdor në fjali mbiemrat e emërzuar;</li> <li>- vendos në trajtën e duhur mbiemrat ose fjalët e tjera përcaktuese pas emrave që e ndërrojnë gjininë në numrin shumës, si p.sh.: <i>mendime</i> të <i>zymta</i>, <i>personazhe interesante</i>, <i>vende malore</i>, <i>ujëra</i> të <i>rrëmbyeshme</i>, <i>djathëra</i> të <i>kripura</i> etj.;</li> </ul>
<b>Përemri</b> <ul style="list-style-type: none"> <li>- Llojet e përemrave, sipas kuptimit që kanë dhe funksionit që kryejnë (vetorë, vetvetorë, dëftorë, pronorë, pyetës, lidhorë, të pacaktuar). Kategoritë gramatikore të përemrave.</li> <li>- Bashkimet e trajtave të shkurtra drejtshkrimi i tyre. Vendi i trajtave të shkurtra.</li> <li>- Lakimi i përemrave pronorë. Lakimi i përemrave pronorë kur përdoren të shoqëruar me emra.</li> </ul>	<ul style="list-style-type: none"> <li>- dallon dhe përdor në fjali, lloje të ndryshme përemrash;</li> <li>- përcakton kategoritë gramatikore të përemrave;</li> <li>- dallon bashkimet e trajtave të shkurtra dhe i përdor saktë në fjali;</li> <li>- dallon përemrat vtorë nga ato dëftorë;</li> <li>- lakon përemrin pronor dhe e përdor në trajtën e duhur në fjali;</li> </ul>
<b>Ndajfolja</b> <ul style="list-style-type: none"> <li>- Llojet e ndajfoljeve. Dallimi i ndajfoljeve nga parafjalët me të njëjtën formë.</li> <li>- Shkallët e ndajfoljeve.</li> <li>- Lokucionet ndajfoljore.</li> </ul>	<ul style="list-style-type: none"> <li>- dallon ndajfoljet dhe përcakton llojin e tyre;</li> <li>- përcakton shkallën e ndajfoljes;</li> <li>- tregon se çfarë janë lokucionet ndajfoljore dhe ndërton fjali me to;</li> <li>- përcakton se si janë formuar lokucionet ndajfoljore;</li> </ul>

	<ul style="list-style-type: none"> <li>- dallon ndajfoljen nga parafjalët me të njëjtën formë;</li> </ul>
<b>Lidhëza</b> <p>Lidhëzat bashkërenditëse dhe lidhëzat nënrenditëse.</p> <ul style="list-style-type: none"> <li>- Lokucionet lidhëzore.</li> </ul>	<ul style="list-style-type: none"> <li>- përcakton llojin e lidhëzave bashkërenditëse dhe lidhëzave nënrenditëse;</li> <li>- përdor drejt në fjali lidhëzat;</li> <li>- dallon lokucionet lidhëzore dhe përcakton se si janë formuar ato.</li> </ul>
<b>Fjalëformim</b> <ul style="list-style-type: none"> <li>- Mënyrat e formimit të fjalëve: <ul style="list-style-type: none"> <li>➤ Prejardhja, kompozimi, përngjitja.</li> <li>➤ Nyjëzimi dhe konversioni.</li> </ul> </li> <li>- Mënyrat e përziera të formimit të fjalëve.</li> </ul>	<b>Fjalëformim</b> <p>Nxënësi:</p> <ul style="list-style-type: none"> <li>- përcakton mënyrat e formimit të fjalëve në gjuhën shqipe;</li> <li>- dallon kur një fjalë është me prejardhje parashtesore, me prejardhje parashtesore dhe prapashtesore dhe me prejardhje pa ndajshtesë, si dhe argumenton përgjigjen e tij;</li> <li>- formon fjalë të prejardhura (me parashtesë, me prapashtesë, me parashtesë dhe prapashtesë, pa ndajshtesë) me një temë të dhënë;</li> <li>- dallon fjalët e prejardhura (p.sh.: parathënie, prapaskenë, parashkollar etj.) nga fjalët që janë formuar me mënyrat e tjera të fjalëformimit;</li> <li>- dallon kur një fjalë është e përbërë dhe argumenton përgjigjen e tij;</li> <li>- përcakton kur një kompozitë është këpujore dhe kur është përcaktore;</li> </ul>

	<ul style="list-style-type: none"> <li>- përcakton dallimet mes kompozitave këpujore dhe kompozitave përcaktore;</li> <li>- përcakton dallimet mes kompozitave të zakonshme dhe shkurtesave;</li> <li>- shkruan drejt shkurtesat;</li> <li>- dallon kur një fjalë është formuar me përngjitje dhe argumenton përgjigjen e tij;</li> <li>- dallon fjalët e përngjitura nga fjalët e përbëra;</li> <li>- dallon fjalët që janë formuar me nyjëzim;</li> <li>- përcakton se cilat pjesë të ligjëratës (klasa fjalësh) formohen me nyjëzim;</li> <li>- dallon kur një fjalë është formuar me nyjëzim;</li> <li>- përcakton se cilat pjesë të pandryshueshme të ligjëratës formohen me konversion;</li> <li>- përcakton se cilat pjesë të ndryshueshme të ligjëratës formohen me konversion;</li> <li>- dallon fjalët që janë formuar me përngjitje dhe prapashtesim, me kompozim dhe prapashtesim, me nyjëzim dhe prapashtesim etj.;</li> <li>- formon fjalë të reja duke përdorur mënyrat e formimit të fjalëve.</li> </ul>
<b>Sintaksë</b>	<b>Sintaksë</b>  Nxënësi: <ul style="list-style-type: none"> <li>- përcakton gjymtyrët e dyta në një fjali dhe argumenton përgjigjen e tij;</li> <li>- dallon kundrinorin dhe përcakton llojin e tij;</li> </ul>

<ul style="list-style-type: none"> <li>- Krethanori, llojet (rrethanori i vendit, i kohës, i shkakut, i qëllimit, i mënyrës etj.).</li> <li>- Përcaktori, llojet (përcaktori me përshtatje, përcaktori me drejtim, përcaktori me bashkim, ndajshtimi).</li> <li>- Përcaktori kallëzuesor (përcaktori kallëzuesor i shprehur me emër, me përemër, me mbiemër, me formë foljore të pashtjelluar etj.).</li> <li>- Gjymtyrët homogjene. Përshtatja e mbiemrit ose e përemrit që përcakton një varg gjymtyrësh homogjene. Përdorimi i nyjave, i parafjalëve, i pjesëzave para gjymtyrëve homogjene. Përdorimi i foljeve ndihmëse në kallëzuesit foljorë homogjenë.</li> <li>- Gjymtyrët e veçuara.</li> <li>- Fjalia e thjeshtë dhe fjalia e përbërë.</li> <li>- Fjalia e përbërë me bashkërenditje dhe fjalia e përbërë me nënrenditje.</li> <li>- Fjalitë e ndërmjetme.</li> </ul>	<ul style="list-style-type: none"> <li>- tregon se me çfarë është shprehur kundrinori;</li> <li>- ndërton fjali me kundrinorë të llojeve të ndryshme;</li> <li>- dallon rrethanorin dhe përcakton llojin e tij;</li> <li>- përcakton se me çfarë është shprehur rrrethanori;</li> <li>- ndërton fjali me rrrethanorë të llojeve të ndryshme;</li> <li>- dallon përcaktorin dhe përcakton llojin e tij;</li> <li>- tregon se me çfarë është shprehur përcaktori;</li> <li>- formon fjali me përcaktorë të llojeve të ndryshme;</li> <li>- krahason përcaktorin me gjymtyrët e tjera të fjalisë;</li> <li>- dallon përcaktorin kallëzuesor dhe përcakton se me çfarë është shprehur;</li> <li>- ndërton fjali me përcaktor kallëzuesor;</li> <li>- dallon gjymtyrët homogjene në fjal;</li> <li>- dallon dhe përdor përsëritjen ose jo të nyjave të përparme, të parafjalëve dhe të pjesëzave para gjymtyrëve homogjene;</li> <li>- përdor drejt mbiemrat ose përemrat që përcaktojnë një varg gjymtyrësh homogjene;</li> <li>- përdor drejt foljet ndihmëse në kallëzuesit foljorë homogjenë;</li> <li>- dallon dhe përdor në fjal gjymtyrët e veçuara;</li> <li>- përcakton tiparet e fjalisë së thjeshtë dhe ato të fjalisë së përbërë;</li> </ul>
--	---

	<ul style="list-style-type: none"> <li>- analizon tiparet e përbashkëta dhe tiparet të veçanta mes fjalisë së thjeshtë dhe fjalisë së përbërë;</li> <li>- dallon marrëdhëniet kuptimore dhe lidhjet sintaksore që realizohen në fjalinë e thjeshtë dhe në fjalinë e përbërë;</li> <li>- dallon llojin e fjalive me bashkërenditje;</li> <li>- ndërton fjali të përbëra me bashkërenditje këpujore, kundërshtore, veçuese, përmbyllëse dhe shkakore-motivuese;</li> <li>- dallon llojet e fjalive të përbëra me nënrenditje;</li> <li>- ndërton fjali të përbëra me nënrenditje;</li> <li>- analizon fjalitë e përbëra me shumë pjesë;</li> <li>- veçon mjetet lidhëse (lidhëzat dhe fjalët lidhëse) në fjalitë e përbëra;</li> <li>- ndërton skemat e fjalive të përbëra me shumë pjesë;</li> <li>- ndërton një fjali të përbërë në bazë të një skeme të dhënë;</li> <li>- përshtat në kohë dhe në mënyrë foljet (kallëzuesit) në pjesët e fjalisë së përbërë;</li> <li>- përdor drejt shenjat e pikësimit te fjalitë e përbëra;</li> <li>- analizon fjalitë e ndërmjetme.</li> </ul>
<b>Leksikologji</b>	<b>Leksikologji</b> Nxënësi: <ul style="list-style-type: none"> <li>- përcakton llojet e ligjërimeve në gjuhën shqipe;</li> <li>- analizon tiparet e ligjërimit të thjeshtë, të ligjërimit bisedor dhe të ligjërimit libror;</li> </ul>

<p>shoqëror, stili shkencor-teknik, stili juridik- administrativ.</p>	<ul style="list-style-type: none"> <li>- krahason ligjërimin bisedor me ligjërimin e thjeshtë;</li> <li>- dallon llojin e ligjërimit në një tekst;</li> <li>- ndërton tekste të shkurtra të cilat kanë tiparet e ligjërimit të thjeshtë, të ligjërimit libror ose të ligjërimit libror;</li> <li>- përcakton kuptimin e termit “stil funksional”;</li> <li>- përcakton se cilit stil i përket një tekst;</li> <li>- analizon elementet kryesore të secilit stil;</li> <li>- krahason stilet me njëri-tjetrin;</li> <li>- harton tekste të shkurtra që u përkasin stileve të ndryshme (stili i letërsisë artistike, stili politiko-shoqëror, stili shkencor-teknik, stili juridik-administrativ).</li> </ul>
<p><b>Drejtshkrim dhe pikësim</b></p> <ul style="list-style-type: none"> <li>- Shkrimi i disa trajtave të shumësit të emrave dhe mbiemrave.</li> <li>- Përdorimi i nyjës së përparme, përshtatja dhe ndryshimet që ajo pëson në strukturat sintaksore.</li> <li>- Shkrimi i fjalëve njësh, ndaras dhe me vizë në mes.</li> <li>- Shkrimi i ligjératës së drejtë dhe i ligjératës së zhdrojtë.</li> <li>- Përdorimi i shenjave të pikësimit (presja, pikëpresja, dy pikat, tri pikat, thonjëzat).</li> <li>- Përdorimi i presjes te fjalitë e përbëra dhe te fjalitë e ndërmjetme, si dhe i</li> </ul>	<p><b>Drejtshkrim dhe pikësim</b></p> <p>Nxënësi:</p> <ul style="list-style-type: none"> <li>- shkruan dhe përdor drejt emrat dhe mbiemrat në numrin shumës;</li> <li>- shkruan dhe përdor drejt nyjën e përparme para emrave dhe mbiemrave;</li> <li>- i përdor saktë fjalët që shkruhen njësh, ndaras ose me vizë në mes;</li> <li>- shkruan saktë ligjératën e drejtë dhe ligjératën e zhdrojtë;</li> <li>- kthen një ligjératë të drejtë në ligjératë të zhdrojtë dhe anasjellas;</li> <li>- shkruan dhe përdor drejt shenjat e pikësimit (presja, pikëpresja, dy pikat);</li> <li>- përdor drejt shenjat e pikësimit (tri pikat dhe thonjëzat);</li> </ul>

shenjave të tjera të pikësimit te fjalitë e ndërkallura.	- përdor drejt presjen te fjalitë e ndërmjetme dhe shenjat e pikësimit në fjalitë e ndërkallura.
--	--

<b>Kompetenca:</b> Analiza dhe interpretimi i teksteve të gjinive dhe llojeve të ndryshme letrare	
<b>Njohuritë</b>	<b>Aftësitë<sup>1</sup></b>
<b>Letërsia dhe gjinitë letrare</b>	<p><b>Elementet e tekstit letrar</b></p> <p><b>a) Fabula dhe subjekti</b></p> <p>Nxënësi:</p> <ul style="list-style-type: none"> <li>- rrëfen dhe analizon subjektin duke e ilustruar me detaje dhe shembuj nga teksti ose fragmenti;</li> <li>- përcakton dhe analizon fabulen e një teksti;</li> <li>- bën dallimin mes fabulës dhe subjektit;</li> <li>- analizon ngjarjet kryesore të një teksti;</li> <li>- dallon ngjarjet që shënojnë hyrjen, pikën e lidhjes, zhvillimin, pikën kulmore, zgjidhjen, si dhe shpjegon funksionin dhe rëndësinë e tyre;</li> <li>- dallon konfliktin/konfliktet dhe shpjegon mënyrën se si zgjidhen ato në vepër;</li> <li>- analizon marrëdhënet mes skenave të veçanta (skena, episode, pamje) dhe tekstit si i tërë;</li> <li>- përshkruan strukturën narrative në një tekst dhe jep argumentet e tij rreth përgjedhjes së saj nga autorii.</li> </ul> <p><b>b) Personazhet</b></p> <p>Nxënësi:</p> <ul style="list-style-type: none"> <li>- analizon dhe vlerëson personazhet duke u bazuar në përshkrimet e autorit dhe në mendimet, fjalët, veprimet, bindjet e tij;</li> <li>- analizon se si ndryshon ose zhvillohet një personazh;</li> <li>- evidenton ngashmëritë dhe dallimet mes personazheve (karakteri, sjelljet etj.);</li> </ul>
<b>Figurat stilistike</b>	

<sup>1</sup> Veprat për të cilat nxënësit do të demontojnë këto njohuri dhe aftësi janë dhënë më poshtë.

<ul style="list-style-type: none"> <li>- Figurat e fjalëve dhe të shprehjeve: metafora, metonimia, sinekdoka, sarkazma, alegoria.</li> <li>- Figurat e sintaksës poetike: anasjella (inversioni), enumeracioni, shkallëzimi.</li> </ul>	<ul style="list-style-type: none"> <li>- analizon marrëdhëniet mes personazheve, si p.sh., ndikimi që ka një personazh te një personazh tjetër;</li> <li>- dallon llojet e personazheve (reale, historike, të trilluara, mitologjike, të jashtëzakonshme, kryesore, dytësore);</li> <li>- shpreh dhe argumenton pëlqimet e tij për një personazh;</li> <li>- interpreton simbolikën e një personazhi (nëse ka të tillë);</li> <li>- analizon marrëdhëniet njerëzore dhe sjelljet e njeriut përmes studimit të personazheve.</li> </ul>
<p><b>Elementet e tekstit letrar</b></p> <ul style="list-style-type: none"> <li>- Fabula dhe subjekti.</li> <li>- Tema dhe motivet.</li> <li>- Rrëfimtari, autori dhe lexuesi.</li> <li>- Format e rrëfimit.</li> <li>- Sistemi i personazheve. Marrëdhëniet kryesore mes personazheve.</li> <li>- Mjedisi, koha dhe atmosfera.</li> <li>- Stili. Gjuha e një vepre letrare.</li> <li>- Ritmi dhe vargu (edhe vargu i lirë). Rima dhe llojet e saj.</li> <li>- Strofa, funksioni dhe llojet e saj.</li> </ul>	<p><b>c) Mjedisi, koha dhe atmosfera</b></p> <p>Nxënësi:</p> <ul style="list-style-type: none"> <li>- përshkruan dhe analizon mjedisin dhe kohën në një vepër letrare;</li> <li>- veçon mjetet artistike që përdor autori për të dhënë mjedisin dhe kohën;</li> <li>- përshkruan ndikimin e tij emocional dhe psikologjik nga leximi i një vepre letrare;</li> <li>- analizon gjendjen emocionale që krijohet nga mjedisi, koha apo rrethanat e një teksti.</li> </ul> <p><b>d) Tematika</b></p> <p>Nxënësi:</p> <ul style="list-style-type: none"> <li>- dallon temën dhe motivet e një teksti;</li> <li>- analizon dhe shpjegon mënyrën që zgjedh autori për të shtjelluar një temë ose një motiv të caktuar;</li> <li>- demonstron vetëdije në lidhje me faktin që zhvillimi i një teme (ose motivi) nga një shkrimtar zbulon një pamje ose një aspekt të veçantë të jetës.</li> </ul> <p><b>e) Stili dhe gjuha</b></p>

**Nxënësi:**

- veçon tiparet e stilit dhe analizon e shpjegon se si ndikojnë ato te lexuesi dhe në tekst;
- analizon dhe vlerëson gjuhën e figurshme;
- vlerëson cilësitë estetike të gjuhës së një teksti.

### **Konteksti historik, kulturor, ekonomik, politik, shoqëror**

**Nxënësi:**

- gjykon rreth kontekstit historik, kulturor, ekonomik, politik, shoqëror në të cilin është shkruar një tekst;
- shpjegon se si konteksti ndikon në vepër.

### **Lidhja mes tekstit dhe lexuesit**

**Nxënësi:**

- tregon se si përvojat personale, vlerat, besimet e tij mund të ndikojnë në mënyrën se si ai e kuption dhe e interpreton një tekst;
- tregon se si një tekst e informon lexuesin rreth natyrës njerëzore.

### **Reflektimi ndaj tekstit**

**Nxënësi:**

- formulon mendimet, ndjenjat dhe opinionet e tij rreth tekstit, duke e lidhur atë me njohuritë e mëparshme;
- reflekton në mënyrë kritike përmes analizave, interpretimit, vlerësimit, krahasimit dhe sintezës së tekstit.

### **Ndërtimi dhe komunikimi i argumenteve**

	<p>Nxënësi:</p> <ul style="list-style-type: none"><li>- mbron idetë e tij duke i ilustruar me detaje dhe me shembuj nga teksti;</li><li>- organizon qartë, saktë dhe në mënyrë logjike mendimet, ndjenjat dhe opinionet e tij (me gojë dhe me shkrim).</li></ul>
--	--

Veprat letrare të mëposhtme duhen punuar me nxënësit. Hartuesit e testit do ta ndërtojnë pjesën e testit të letërsisë duke iu referuar kësaj liste.

<b>Kompetenca:</b> Vlerësimi i letërsisë shqipe dhe asaj botërore në periudha të ndryshme letrare dhe historike	
<b>Njohuritë</b>	<b>Aftësitë</b>
<b>Homeri</b> <ul style="list-style-type: none"> <li>- Iliada.</li> <li>- Rëndësia e Homerit në letërsinë e mëvonshme.</li> </ul>	<b>Homeri “Iliada”</b> <p>Nxënësi:</p> <ul style="list-style-type: none"> <li>- vlerëson rëndësinë e Homerit në letërsinë e mëvonshme;</li> <li>- interpreton, analizon dhe gjykon për vlerat artistike të poemës “Iliada”</li> </ul>
<b>Eskili</b> <ul style="list-style-type: none"> <li>- Prometeu i mbërthyer.</li> <li>- Tiparet dalluese të krijimtarisë së Eskilit.</li> </ul>	<b>Eskili “Prometeu i mbërthyer”</b> <p>Nxënësi:</p> <ul style="list-style-type: none"> <li>- interpreton, analizon dhe gjykon për vlerat artistike të tragjedisë “Prometeu i mbërthyer”;</li> <li>- analizon tiparet dalluese të krijimtarisë së Eskilit.</li> </ul>
<b>Aligeri</b> <ul style="list-style-type: none"> <li>- Ferri.</li> <li>- Rëndësia e kësaj vepre.</li> </ul>	<b>Dante Aligeri “Ferri”</b> <p>Nxënësi:</p> <ul style="list-style-type: none"> <li>- interpreton, analizon dhe gjykon për vlerat artistike të Ferrit;</li> <li>- analizon vlerat, strukturën, filozofinë dhe rëndësinë e “Ferrit”.</li> </ul>
<b>Shekspir</b> <ul style="list-style-type: none"> <li>- Hamleti.</li> <li>- Rëndësia e Shekspirit në letërsinë botërore.</li> </ul>	<b>Shekspir “Hamleti”</b> <p>Nxënësi:</p> <ul style="list-style-type: none"> <li>- interpreton, analizon dhe gjykon për vlerat artistike të veprës “Hamleti”;</li> </ul>

	<ul style="list-style-type: none"> <li>- vlerëson rëndësinë e krijimtarisë së Shekspirit në letërsinë botërore.</li> </ul>
<b>Gëte</b> <ul style="list-style-type: none"> <li>- Fausti.</li> <li>- Rëndësia e Gëtes në historinë shpirtërore dhe letrare të Gjermanisë dhe të Europës.</li> </ul>	<b>Gëte “Fausti”</b> <p>Nxënësi:</p> <ul style="list-style-type: none"> <li>- vlerëson rëndësinë që ka krijimtaria e Gëtes në letërsinë gjermane dhe më gjerë;</li> <li>- interpreton, analizon, gjykon dhe vlerëson tragjedinë “Fausti”.</li> </ul>
<b>Hygo</b> <ul style="list-style-type: none"> <li>- Katedralja e Parosit.</li> <li>- Hygoi si prijës i romantizmit.</li> </ul>	<b>Hygo “Katedralja e Parosit”</b> <p>Nxënësi:</p> <ul style="list-style-type: none"> <li>- vlerëson rolin e Hygoit në letërsinë romantike dhe në letërsinë e mëvonshme franceze;</li> <li>- interpreton, analizon, gjykon dhe vlerëson romanin “Katedralja e Parosit”.</li> </ul>
<b>De Rada</b> <ul style="list-style-type: none"> <li>- Këngët e Milosaos.</li> <li>- Roli dhe rëndësia e De Radës në letërsinë arbëreshe të Rilindjes.</li> </ul>	<b>De Rada “Këngët e Milosaos”</b> <p>Nxënësi:</p> <ul style="list-style-type: none"> <li>- vlerëson rolin dhe rëndësinë e De Radës në letërsinë arbëreshe të Rilindjes;</li> <li>- interpreton, analizon, gjykon dhe vlerëson poemën “Këngët e Milosaos”;</li> <li>- dallon tiparet e romantizmit që gjunjë shprehje në veprën e De Radës.</li> </ul>
<b>Balzak</b> <ul style="list-style-type: none"> <li>- Xha Gorio.</li> <li>- Rëndësia e veprës së Balzakut në epokën e prozës realiste.</li> </ul>	<b>Balzak “Xha Gorio”</b> <p>Nxënësi:</p> <ul style="list-style-type: none"> <li>- analizon dhe vlerëson rëndësinë e veprës së Balzakut në letërsinë franceze dhe më gjerë;</li> </ul>

	<ul style="list-style-type: none"> <li>- interpreton, analizon, gjykon dhe vlerëson “Xha Gorio”;</li> <li>- identifikon karakteristikat e personazhit realist në këtë roman.</li> </ul>
<b>Albert Kamy</b>	<p><b>Albert Kamy: “I huaji”</b></p> <p>Nxënësi:</p> <ul style="list-style-type: none"> <li>- formulon idenë e Kamysë për absurdin;</li> <li>- analizon raportin: absurd, shpërfillje, shpresë, revoltë, në veprën e Kamysë;</li> <li>- interpreton, analizon, gjykon dhe vlerëson romanin “I huaji”.</li> </ul>
<b>Lasgush Poradeci</b>	<p><b>Lasgush Poradeci: “Ylli i zemrës”</b></p> <p>Nxënësi:</p> <ul style="list-style-type: none"> <li>- analizon risitë dhe origjinalitetin që solli Poradeci në poezinë shqipe;</li> <li>- analizon motivet kryesore të poeziës së Poradecit;</li> <li>- veçon dhe gjykon ndikimet që pati Poradeci nga krijimtaria e Naim Frashërit dhe nga poezië moderne e Evropës;</li> <li>- interpreton, analizon, gjykon dhe vlerëson vëllimin poetik “Ylli i zemrës”.</li> </ul>
<b>Migjeni</b>	<p><b>Migjeni: “Novelat e qytetit të veriut” dhe “Vargjet e lira”</b></p> <p>Nxënësi:</p> <ul style="list-style-type: none"> <li>- vlerëson fryshtën e re që sjell Migjeni në letërsinë shqipe (në formë dhe në përbajtje),</li> </ul>

<p>përmbajtje), si p.sh.: shkëputja nga tradita, temat e ndaluara, vargu i lirë, shembja e kulteve politike, fetare etj.</p> <ul style="list-style-type: none"> <li>- Njeriu në letërsinë e Migjenit (jeta në situata ekzistenciale).</li> </ul>	<ul style="list-style-type: none"> <li>si p.sh.: shkëputjen nga letërsia pararendëse, trajtimin e temave tabu, vargu i lirë etj.;</li> <li>- portretizon njeriun në krijimtarinë e Migjenit, duke e krahasuar edhe me krijimtarinë e letërsisë së mëparshme, por edhe me letërsinë e kohës së tij;</li> <li>- interpreton, analizon, gjykon dhe vlerëson vëllimin në prozë “Novelat e qytetit të veriut”;</li> <li>- interpreton, analizon, gjykon dhe vlerëson vëllimin poetik “Vargjet e lira”.</li> </ul>
<p><b>Dritëro Agolli</b></p> <ul style="list-style-type: none"> <li>- Shkëlqimi dhe rënia e shokut Zylo.</li> <li>- Risitë që solli Agolli në letërsinë shqipe.</li> </ul>	<p><b>Dritëro Agolli: “Shkëlqimi dhe rënia e shokut Zylo”</b></p> <p>Nxënësi:</p> <ul style="list-style-type: none"> <li>- analizon risitë që solli Agolli në letërsinë shqipe;</li> <li>- interpreton, analizon, gjykon dhe vlerëson romanin “Shkëlqimi dhe rënia e shokut Zylo”.</li> </ul>
<p><b>Ismail Kadare</b></p> <ul style="list-style-type: none"> <li>- Pallati i ëndrrave.</li> <li>- Vendi që zë Kadare në letërsinë shqipe.</li> <li>- Bota shqiptare në veprën e Kadaresë.</li> </ul>	<p><b>Ismail Kadare “Pallati i ëndrrave”</b></p> <p>Nxënësi:</p> <ul style="list-style-type: none"> <li>- veçon dhe analizon risitë që sjell Kadare në letërsinë shqipe;</li> <li>- interpreton, analizon, gjykon dhe vlerëson romanin “Pallati i ëndrrave”.</li> </ul>
<p><b>Azem Shkreli</b></p> <ul style="list-style-type: none"> <li>- Lirikë me shi</li> <li>- Risitë që solli Shkreli në letërsinë shqipe.</li> </ul>	<p><b>Azem Shkreli: “Lirikë me shi”</b></p> <p>Nxënësi:</p> <ul style="list-style-type: none"> <li>- analizon dhe vlerëson risitë që solli Shkreli në poezinë shqipe;</li> </ul>

<ul style="list-style-type: none"> <li>- Tiparet e poezisë së Shkrelit.</li> </ul>	<ul style="list-style-type: none"> <li>- përcakton tiparet e poezisë së Shkrelit, si dendësia e mendimit, mjeshtëria e vargut dhe frazës poetike, çlirimi i unit lirik etj.;</li> <li>- interpreton, analizon, gjykon dhe vlerëson vëllimin poetik “Lirikë me shi”.</li> </ul>
--	--